

UGOVORNE STRANE:

1. **Veterinarski fakultet u Sarajevu** (u daljem tekstu Fakultet) , kojeg zastupa dekan prof.dr. Nihad Fejzić

i

2. **KJKP „ Park “ d.o.o. Sarajevo** (u daljem tekstu KJKP “Park“), kojeg zastupa direktor Mustafa Resić dipl.pravnik

Zaključili su dana 09.01.2013.godine sljedeći

UGOVOR

o nastavnoj, naučnoj i stručno-tehnološkoj saradnji

I- PREDMET I CILJEVI UGOVORA

Član 1.

Svrha ovog ugovora je reguliranje uslova i načina nastavne, naučne i stručno-tehnološke saradnje između ugovornih strana.

Glavna područja saradnje u okviru ovog ugovora će biti sljedeća:

- edukacije studenata Fakulteta;
- izvođenje praktične nastave u RZC Pionirska dolina i zoo vrt;
- kontrola kvaliteta stočne hrane koja se koristi u ishrani životinja u zoo vrtu;
- ispitivanje i utvrđivanje zdravstvenog statusa životinja u zoo vrtu;
- dijagnostički, preventivni i terapijski tretmani.

II- DOPRINOS KJKP „Park“

Član 2.

U cilju realizacije ovog ugovora KJKP „Park“ se obavezuje da će:

- obezbjediti nesmetan pristup akademskom osoblju i studentima Fakulteta u RZC Pionirska dolina i zoo vrt, kako bi obavili praktičnu nastavu, kao i sve druge radnje koje će omogućiti provođenje edukacije studenata po nastavnom planu i programu uz prethodni dogovor sa Veterinarskom službom u zoo vrtu;

- obezbjediti parking prostor u kugu RZC Pionirska dolina i zoo vrt za službena vozila fakulteta kojim će se studenti dovoziti i odvoziti na nastavu;
- obezbjediti adekvatan prostor za kliničku učionicu sa pratećim sadržajima (sanitarni čvor i prostor za garderobu) u kojoj će se u skladu sa nastavnim planovima i programima izvoditi klinička nastava na nastavnim životinjama;
- jednom godišnje u pismenoj formi dostavljati Fakultetu /šefu klinika/ izvještaj o zdravstvenom statusu životinja sa kojima studenti dolaze u kontakt;
- omogućiti učešće akademskog osoblja i studenata u rutinskim zahvatima;
- omogućiti učešće akademskog osoblja i studenata u dijagnostičkim, preventivnim i kurativnim tretmanima;
- omogućiti učešće akademskog osoblja i studenata u uzimanju uzoraka krvi od životinja iz zoo vrt radi vršenja analize istih u skladu i na način kako je to propisano pozitivnim zakonskim propisima.

III- DOPRINOS FAKULTETA

Član 3.

U cilju realizacije ovog ugovora Fakultet se obavezuje da će:

- Za KJKP „Park“ obavljati stručnu i nepristrasnu kontrolu kvalitete, sirovinskog sastava i posebnih svojstava stočne hrane koja se koristi u ishrani životinja u zoo vrtu;
- za KJKP „Park“ obavljati dijagnostičke, preventivne i kurativne tretmane za koje veterinarska služba KJKP „Park“ nije osposobljena, odnosno na osnovu zahtjeva veterinarske službe zoo vrta;
- za KJKP „Park“ obavljati laboratorijsku analizu uzoraka krvi uzetih od životinja u zoo vrtu, a skladu i na način kako je to propisano programima kontrole bolesti koje su regulisane zakonskim propisima;
- Obezbjediti stručno lice (diplomiranog veterinarara) koje će koordinirati i provoditi tehničke poslove za potrebe izvođenja nastave.

Član 4.

KJKP „Park“ će obaveze iz člana 2. ovog ugovora izvršavati bez naknade.
Veterinarski fakultet Sarajevo će obaveze iz člana 3. izvršavati bez naknade.

IV- PRIJELAZNE I ZAVRŠNE ODREDBE

Član 5.

Ugovor se zaključuje na period od četiri (4) godine od dana potpisivanja istog, i ne može se prećutno produžiti.

Član 6.

Izmjene ovog ugovora mogu se vršiti uz saglasnost obje ugovorne strane i to putem aneksa ugovora.

Član 7.


Eventualno sporna pitanja iz ovog ugovora ugovorne strane se obavezuju da će sporazumno riješiti, a u slučaju nemogućnosti takvog rješenja ugovaraju nadležnost suda u Sarajevu.

Član 8.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2).


KJKP“Park“ d.o.o. Sarajevo

Veterinarski fakultet u Sarajevu



Mustafa Resić dipl. pravnik

P-566
22.02.2013



prof.dr. Nihad Fejzić

07-04-28-12/13
23.02.2013.